

Na osnovu člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08), a u znak priznanja zaslužnim građanima Maglaja i drugim licima koja rade na području općine Maglaj, udruženjima građana, lokalnim zajednicama, ustanovama, privrednim društvima i drugim pravnim subjektima za uspjehe u radu i aktivnostima koji znatno doprinose društvenom razvoju općine Maglaj, Općinsko vijeće Maglaj na sjednici održanoj 9.07. 2015.godine, d o n o s i

ODLUKU o javnim priznanjima Maglaja

I - OPĆE ODREDBE

Član 1.

Ovom Odlukom utvrđuju se javna priznanja Maglaja, kriteriji i postupak dodjele javnih priznanja.

Član 2.

Javna priznanja Maglaja su : “Grb Maglaja”, «Zahvalnica», “Plaketa Maglaja”, «Maglajska lenta».

Redosljed iz stava 1. ne predstavlja visinu ranga priznanja.

Pod javnim priznanjima podrazumijeva se i “proglašenje počasnim građaninom Maglaja”.

Član 3.

Javna priznanja mogu se dodjeljivati građanima Maglaja i drugim licima koja rade na području općine Maglaj, udruženjima građana, lokalnim zajednicama, ustanovama, privrednim društvima i drugim pravnim subjektima za uspjehe u radu i aktivnostima kojima doprinose opće društvenom razvoju Maglaja ili pojedinih djelatnosti, afirmaciji interesa Maglaja i njegovom svrstavanju u red otvorenih gradova u BiH.

Javna priznanja se mogu dodjeljivati u cilju odavanja počasti i zahvalnosti građanima Maglaja, koji su uz prethodne kvalitete doprinijeli oslobođenju i odbrani Maglaja, njegovoj trajnoj slobodi i podsticanju mladim generacijama da stvaraju i rade tako da Maglaj i sutra bude ljepši a život u njemu ljudski dostojanstveniji, čime se u suštini na viši stepen podižu i unapređuju ljudska prava i utiče na razvoj demokratije.

Javna priznanja se mogu dodjeljivati i građanima koji svojim radom izvan Maglaja, ispunjavaju prethodne kriterije iz ovog člana, koji svojim vanrednim ostvarenjima doprinose opšte društvenom razvoju i ugledu Maglaja.

Javna priznanja mogu se dodjeljivati i državljanima drugih zemalja, prijateljskim gradovima, međunarodnim organizacijama i organizacijama iz drugih država, za posebne zasluge u općem razvoju Maglaja.

Član 4.

Javna priznanja Maglaja dodjeljuju se povodom Dana Maglaja 18.septembra .

Odluku o dodjeli javnih priznanja donosi Općinsko vijeće Maglaj.

II – JAVNA PRIZNANJA MAGLAJA

„Grb Maglaja“

Član 5.

„Grb Maglaja“ je javno priznanje koje se u jednoj kalendarskoj godini može dodijeliti kao 1 (jedna) pojedinačna i 1 (jedna) kolektivna nagrada, ukupno 2 (dva) „Grba“.

„Grb Maglaj“ se dodjeljuje građanima Maglaja i drugim licima koja rade i djeluju na području općine Maglaj, privrednim društvima, ustanovama, udruženjima građana i drugim pravnim subjektima za doprinos u oslobođenju i odbrani Maglaja i izuzetne zasluge i postignute rezultate u teorijskom i praktičnom radu na unapređenju nauke, privrede, obrazovanja, kulture, umjetnosti, sporta, zdravstva, socijalne brige i dječje zaštite, unapređenje i afirmaciju tolerancije, kulture dijaloga, zaštiti i afirmaciji ljudskih prava i sloboda garantovanih međunarodnim konvencijama, Ustavom i zakonima, kao i spašavanje ljudi, imovine, unapređenje demokratije i suživota.

„Grb Maglaja“ istom licu ili instituciji može se dodijeliti samo jedanput.

Član 6.

„Grb Maglaja“ je stilizovana izvedba Grba grada Maglaja. Grb je četvrtastog oblika sa motivima Gradine u gornjem dijelu i upisanom godinom 1408. U sredini se nalaze tri rolne papira, a u donjem dijelu naziv MAGLAJ.

Uz „Grb Maglaja“ dodjeljuje se i diploma.

Kriteriji:

- najbolji rezultati postignuti u teorijskom i praktičnom radu na pojedinom području djelovanja (u oblasti nauke, privrede, obrazovanja i edukacije, kulture, umjetnosti, sporta, zdravstva, socijalne zaštite i zaštite okoline i drugim oblastima),
- objavljena, prikazana, izložena, izvedena ili na drugi način prezentirana i nagrađena ostvarenja i rezultati,
- izuzetan doprinos u odbrani Maglaja i Bosne i Hercegovine,
- izuzetan doprinos i javno zalaganje i rad na očuvanju demokratije i zaštite osnovnih prava i sloboda čovjeka koja su proklamovana konvencijama, ustavom i zakonima,
- transparentan rad i javno istupanje u cilju afirmacije i promocije vrijednosti Maglaja i Bosne i Hercegovine,

- javno objavljeni podaci ili rezultati za doprinos lokalne i šire zajednice,
- općepoznati ugled stručnjaka ili djelatnika iz određenih oblasti, odnosno privrednog društva, ustanove, udruženja građana i drugog pravnog subjekta,
- javno objavljeni ili zvanično pribavljeni podaci o učešću u spašavanju ljudskih života i imovine,
- doprinos u razvoju lokalne samouprave i unapređenje života u mjesnim zajednicama.

Priznanje „Zahvalnica“

Član 7.

„Zahvalnica“ se dodjeljuje kao znak zahvalnosti i odavanje priznanja za konkretan uspjeh i poduhvat neprofitnim ustanovama i organizacijama i udruženjima građana (škole, sportska i druga udruženja građana).

Član 8.

„Zahvalnica“ se dodjeljuje u vidu diplome uz novčani iznos čiju visinu utvrđuje Općinsko vijeće, a koja ne može biti niža od 1.000,00 KM (jednu hiljadu konvertibilnih maraka).

Kriteriji:

- objavljen ili općepoznat konkretan uspjeh ili poduhvat,
- volonterizam u oblasti u kojoj neprofitna organizacija, ustanova ili udruženje djeluje,
- učešće i ostvaren uspjeh organizacije, ustanove ili udruženja izvan domena djelovanja istog.

„Plaketa Maglaja“

Član 9.

„Plaketa Maglaja“ dodjeljuje se poduzetnicima i privrednim društvima za vidljiv doprinos u privrednom napretku općine Maglaj u protekloj godini.

Član 10.

Istim kolektivima ili pojedincima „Plaketa Maglaja“ može biti dodijeljena jedanput u 5 (pet) godina.

Član 11.

„Plaketa Maglaja“ se dodjeljuje u vidu diplome sa otiskom grba Maglaja.

Kriteriji:

- „Plaketa Maglaja“ dodjeljuje se pojedinačnim poduzetnicima ili privrednim društvima koji žive/egzistiraju i djeluju u Maglaju, za vidljiv doprinos u privrednom napretku općine,
 - privrednicima za posebno zalaganje u zapošljavanju mladih i obrazovanih kadrova,
 - pojedincima u Bosni i Hercegovini koji su znatno doprinijeli privrednom razvoju i afirmaciji Maglaja.
- Priznanje „Maglajska lenta“

Član 12.

„Maglajska lenta“ dodjeljuje se pojedincima koji su kroz svoj životni vijek svojim radom i djelovanjem ostavili vidljiv i prepoznatljiv trag i postali prepoznatljivi građani lokalne zajednice.

Član 13.

Istim pojedincima „Maglajska lenta“ se može dodijeliti samo jednom.

Član 14.

„Maglajska lenta“ je platnena, satenska traka sa tekstom: «Dobitnik Maglajske lente za _____ godinu».

Član 15.

Javna priznanja se mogu izuzetno dodijeliti pojedincima i posmrtno, a uručuju se najbližim srodnicima.

Član 16.

Dobitnici javnih priznanja Maglaja stiču pravo prednosti u postupku kandidovanja za dodjelu državnih odlikovanja i drugih priznanja.

- a) Proglašenje počasnim građaninom Maglaja

Član 17.

Počasnim građaninom Maglaja može se proglasiti lice posebno zaslužno za afirmaciju vrijednosti demokratskog društva, historijskih događaja i tradicija Bosne i Hercegovine, položaja i ugleda Maglaja i njegovih odnosa sa drugim gradovima i općinama u zemlji i inostranstvu te razvoj Maglaja ili pojedinih djelatnosti, državnik ili službenik druge države, član međunarodne organizacije odnosno organizacije druge države posebno zaslužan za Maglaj i Bosnu i Hercegovinu u jačanju njihovog ugleda na opće prihvaćenim načelima savremenog svijeta.

III – POSTUPAK DODJELE PRIZNANJA

a) Komisija – sastav i nadležnost

Član 18.

Postupak dodjele javnih priznanja pokreće i vodi Komisija .

Član 19.

Poslovníkom o radu Komisije regulira se organizacija i način rada ovog tijela.

Član 20.

Rad Komisije je javan.

Član 21.

Komisija vrši slijedeće poslove:

- donosi Pravilnik o radu,
- predlaže Općinskom vijeću izmjene i dopune kriterija na osnovu ukazane potrebe,
- obavještava javnost o načinu predlaganja, kriterijima i roku podnošenja prijave,
- otvara prispjele kandidature i razmatra prispjele prijave,
- vrši odabir kandidata,
- utvrđuje prijedlog za dodjelu javnih priznanja,
- podnosi OV izvještaj o svom radu na kraju svake godine i po zahtjevu Vijeća u vanrednim okolnostima,
- predlaže Općinskom vijeću kandidate za dodjelu državnih odlikovanja i drugih priznanja.

Član 22.

Poslovníkom o radu Komisije regulira se organizacija i način rada ovog tijela.

b) Postupak

Član 23.

Komisija pokreće redovnu proceduru za dodjelu javnih priznanja Maglaja u pravilu najkasnije do kraja mjeseca aprila tekuće godine i o tome obavještava javnost putem sredstava informisanja. Obavještenje o pokretanju postupka predlaganja kandidata za dodjelu javnih priznanja konkursom se obavezno objavljuje u listu dostupnom svim građanima Maglaja i na web stranici Općine Maglaj. Obavještenje o raspisanom konkursu s tekstom konkursa upućuje se radi podnošenja prijedloga, relevantnim institucijama, privrednim društvima, udruženjima građana, strukovnim organizacijama i sl.

Član 24.

Konkurs za podnošenje prijedloga za dodjelu javnih priznanja ostaje otvoren 20 dana od dana objavljivanja.

Član 25.

Pravo predlaganja kandidata za dodjelu javnih priznanja imaju u skladu sa ovom odlukom građani, udruženja građana, vijećnici općine Maglaj, radna tijela Općinskog vijeća Maglaj, Načelnik općine, organi mjesnih zajednica, ustanove, strukovne organizacije, vjerske zajednice, privredna društva i drugi pravni subjekti.

Prijedlog za dodjelu javnog priznanja se dostavljaju u pismenoj formi Komisiji u zatvorenoj koverti sa naznakom „Prijedlog za dodjelu javnog priznanja“ – NE OTVARAJ.

Prijedlog iz prethodnog stava se dostavlja na unificiranom obrascu koji se može preuzeti u nadležnoj Službi Općine i koji sadrži slijedeće:

- ime, prezime i adresu kandidata, odnosno naziv

- privrednog društva, ustanove, vjerske zajednice,
- udruženja građana i drugih pravnih subjekata što predlažu za dodjelu javnog priznanja,
- oblast iz koje se predlaže,
- obrazloženje prijedloga,
- raspoloživu dokumentaciju kojom se potvrđuju navodi iz obrazloženja,
- tačno naznačeno i opisano djelo, rad i uspjeh i sl., zbog kojih se predlaže,
- naziv javnog priznanja za koje se predlaže.

Član 26.

Po isteku roka za podnošenje prijedloga za dodjelu javnih priznanja Komisija evidentira listu predloženih kandidata i na temelju uvida u podnesene prijedloge i prateću dokumentaciju iz ove odluke vrši ocjenu formalne ispravnosti prijedloga sa aspekta pravne legitimacije podnosioca, sadržaja i roka podnošenja.

Član 27.

Prijedlozi koji budu podneseni od neovlaštenih podnosioca, izvan roka za podnošenje ili budu nepotpuni u pogledu sadržaja i obrazloženja, neće se uzeti u razmatranje.

Član 28.

Komisija radi na sjednicama na kojima se vodi zapisnik.

Komisija utvrđuje prijedlog odluke o dodjeli javnih priznanja po završenom vrednovanju i ocjenjivanju svih elemenata sadržanih u prijedlozima i pratećoj dokumentaciji.

Prijedlog odluke o dodjeli javnih priznanja dostavlja se Općinskom vijeću Maglaj radi razmatranja i usvajanja u pravilu za sjednicu u junu mjesecu.

Općinsko vijeće može prijedlog odluke iz prethodnog stava usvojiti ili odbiti.

Općinsko vijeće NE MOŽE proširivati listu prijedloga sa novim imenima koja nisu prošla procedure.

Član 29.

O javnim priznanjima vodi se jedinstvena evidencija Općinskog vijeća koja se revidira svake godine i dostavlja Komisiji na uvid prije razmatranja prijedloga za dodjelu javnih priznanja za tekuću godinu.

Član 30.

U jednoj godini može se dodijeliti najviše 6 (šest) javnih priznanja Maglaja i to:

- 2 (dva) “Grba Maglaja”,
- 1 (jedna) “Zahvalnica”
- 1 (jedna) “Plaketa Maglaja”
- 1 (jedna) “Maglajska lenta”.

Član 31.

U slučaju da se u toku jedne godine ne dodjeljuju dva "Grba Maglaja" mogu se dodijeliti dvije "Plakete Maglaja".

Član 32.

Proglašenje i uručivanje javnih priznanja vrši se, u pravilu, na svečanoj sjednici Općinskog vijeća, povodom Dana općine Maglaj 18.septembra.

Predsjedavajući Općinskog vijeća i Općinski načelnik uručuje javna priznanja pojedincu odnosno ovlaštenom predstavniku pravnog lica.

Ako pojedinac odnosno predstavnik pravnog lica kojem je dodijeljeno javno priznanje ne može priznanje iz objektivnih razloga lično preuzeti ono se može uručiti i na drugi primjeren način.

Član 33.

Ukoliko dobitnik javnog priznanja Maglaja u kasnijem periodu bilo kakvim negativnim djelovanjem, nerazumnim, destruktivnim i ekstremnim ponašanjem nanese društvenu štetu ugledu Maglaja i BiH, pokrenut će se procedura oduzimanja dodijeljenog priznanja.

Procedura se provodi na identičan način postupku za dodjelu priznanja.

Član 34.

Administrativno – stručne i druge poslove za potrebe Komisije vrši stručna Služba Općinskog vijeća.

Član 35.

Ovom Odlukom prestaje da važi Odluka o javnim priznanjima («Službene novine Općine Maglaj»; broj 6/04)

Član 36.

Ova Odluka stupa na snagu danom objavljivanja u "Službenim novinama Općine Maglaj".

Broj: 02-05-1-1450/15
Maglaj, 9.07. 2015.godine

PREDSJEDAVALAČICA OV,
Marko Zelić s.r.

Na osnovu člana 18. Statuta općine Maglaj ("Službene novine Općine Maglaj", broj; 08/07, 3/08, i 6/08) a u vezi sa Zapisnikom o inspekcijskom nadzoru broj UP1-14-25-6-01016/2015-14-2-P, od 24.03.2015. godine, Općinsko vijeće Maglaj, na sjednici održanoj dana 9.07.2015. godine, d o n o s i

ODLUKU

o prodaji šljunka koji je vlasništvo Općine Maglaj javnim nadmetanjem-licitacijom

Član 1.

Daje se saglasnost za prodaju šljunka koji je izvađen iz rijeke Bosne i deponovan na lokalitetu u južnom dijelu grada u neposrednoj blizini B.P. Energopetrol u Maglaju, kao i šljunka koji je deponovan na lokalitetu kod stare Gimnazije u Maglaju, koji je vlasništvo Općine Maglaj, javnim nadmetanjem-licitacijom, javna prodaja šljunka.

Član 2.

Ukupna količina šljunka koja se nalazi na lokalitetu u južnom dijelu grada u neposrednoj blizini B.P. Energopetrol u Maglaju je 2000 m³, dok je količina šljunka koja se nalazi na lokalitetu kod stare Gimnazije u Maglaju je 5893 m³.

Član 3.

Početna prodajna cijena šljunka iz čl.1.i 2. ove Odluke iznosi **4,00 KM /m³**.

Svaki učesnik licitacije dužan je uplatiti 150,00 KM, na račun budžeta Općine Maglaj, broj 199-046-00032516-34 općina 060, vrsta prihoda 722449 prije početka licitacije, s naznakom "naknada troškova postupka licitacije".

Ova naknada se ne vraća učesnicima licitacije.

Član 4.

Prodajnu cijenu šljunka iz člana 1.i 2. ove Odluke, učesnik Licitacije koji je proglašen najuspješnijim, sa kojim će se zaključiti ugovor o kupoprodaji, obavezan je uplatiti u roku od 7 dana od dana potpisivanja ugovora o kupoprodaji, na žiro račun Budžeta općine Maglaj broj 199-046-00032516-34 općina 060 vrsta prihoda 722449.

Predaja šljunka u posjed kupcu izvršiti će se odmah, a najkasnije u roku od osam dana po uplati cijelokupnog iznosa kupoprodajne cijene, o čemu će se sačiniti Zapisnik.

Član 5.

Postupak licitacije šljunka provest će Komisija za sprovođenje javnog nadmetanja – licitacije, koju će imenovati općinski načelnik, u skladu sa ovom Odlukom i javnim oglasom koji će se objaviti na oglasnoj ploči Općine Maglaj i putem RTV Maglaj.

Ovlašćuje se Općinski Načelnik da objavi javni oglas o prodaji šljunka iz čl.1.i 2. ove Odluke.

Član 6.

Ovlašćuje se Općinski Načelnik da po okončanju licitacionog postupka sa najpovoljnijim ponuđačem zaključi ugovor o kupoprodaji šljunka po